



ILIDŽA

DOBRO DOŠLI
PRVAČIĆI

INFORMATIVNI BILTEN
OPĆINE ILIDŽA

Ilidža • Septembar 2018
• Broj 174

OPĆINA ILIDŽA



SRETNNO PRVAČIĆI





Rješava se problem devastiranog Doma penzionera u Nedžarićima

Općinsko vijeće Ilidža 27. septembra 2018. godine u Multifunkcionalnoj sali donijelo je Odluku o neposrednoj pogodbi za prodaju građevinskog zemljišta u vlasništvu Općine Ilidža, Federalnom zavodu za mirovinsko i invalidsko osiguranje/ Federalni zavod za penzijsko i invalidsko osiguranje.

Zemljište je upisano kao državno vlasništvo sa pravom raspolaganja Općine Ilidža, odnosno pravo vlasništva Općine Ilidža sa dijelom 1/1, te kao posjednik predmetnih nekretnina upisana je Općina Ilidža sa dijelom 1/1. Ukupna površina zemljišta, iznosi 7.254 kvadratnih metara. Naknada za navedeno zemljište iznosi 3.000.000,00 KM. Sa kupcem nekretnine, temeljem kupoprodajnog ugovora u formi notarski obrađene isprave, regulisat će se međusobna prava i obaveze u pogledu isplate kupoprodajne cijene, prenosa vlasništva i posjeda, vrijeme i način predaje nekretnine u posjed kupcu. Kupac se može uknjižiti kao vlasnik i preuzeti u posjed kupljenu nekretninu na temelju notarski obrađene isprave, odnosno kupoprodajnog ugovora.

Prihvaćena inicijativa za preimenovanje trga u “Trg hrasničkog bataljona”

Općinsko vijeće Ilidža pokrenulo je inicijativu da Skupština Kantona Sarajevo donese rješenje kojim će se prostoru koji se nalazi u Hrasnici, Općina Ilidža, između ulica Šehitluci od br.11 do br. 23 i ulice Put Famosa od br.23 do br. 29. dati naziv »Trg hrasničkog bataljona«. Komisija za saradnju sa drugim općinama, nagrade, priznanja, praznike i obilježavanje značajnih događaja i ličnosti razmatrala je Inicijativu Udruženja „4VMTB“ - Podružnica VII (1.MTB) za davanje naziva „Trg hrasničkog bataljona“ i konstatovala da je u skladu sa Odlukom o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo, te predložila Općinskom vijeću da donese zaključak kojim će se to tražiti, što je Općinsko vijeće i prihvatilo.

Tinjak i Viteškić samostalni vijećnici

Nedžad Tinjak i Smiljana Viteškić obavjestili su Općinsko vijeće da će ubuduće djelovati kao samostalni vijećnici.


REDOVNA SJEDNICA OPĆINSKOG VIJEĆA

Prijedlozi rješenja o rješavanju imovinsko-pravnih odnosa

Na dnevnom redu bili su prijedlozi rješenja - zaključaka o rješavanju imovinsko-pravnih odnosa u svrhu legalizacije stambenih objekata po zahtjevima: Bronja Fikret i Bronja Zineta, Dedović Emir, Džubur Nazif i Džubur Mujo, (Zaključak o obnovi postupka po prijedlogu Čustovic Refike, Honjić Rašide i drugih), te Hodžić Uko, Kešan Ševkija, Ramčić Šučro, Zamelica Mehmed, Kaltak Azem, te prijedlozi rješenja o rješavanju imovinsko-pravnih odnosa u svrhu regulisanja stambeno-poslovnih pitanja po zahtjevima: Kapetanović Hasan i Memović Sado.

Povučena tačka “Rasprava o radu i odgovornosti u vezi sa vršenjem dužnosti predsjedavajućeg Općinskog vijeća”

U skladu sa Poslovníkom o radu Općinskog vijeća Ilidža, Klub vijećnika SDA Ilidža, podnio je zahtjev da se izmijeni dnevni red 18. redovne sjednice. Predloženo je da se tačka “ Rasprava o radu i odgovornosti u vezi sa vršenjem dužnosti predsjedavajućeg Općinskog vijeća Ilidža” skine sa dnevnog reda, što je i izglasano na 18. redovnoj sjednici.



Informacije

Vijeće je na sjednici primilo k znanju i informacije o provođenju Zakona o dopunskim pravima boraca-branitelja BiH Kantona Sarajevo za period od 1. januar do 31. decembra 2017. godine. U Informaciji je istaknuto da pripadnici boračke populacije, putem Službe, na brz i efikasan način mogu ostvariti prava koja joj pripadaju u skladu sa Zakonom kojim su uređeni uslovi, način i postupak za ostvarivanje prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branitelja i prava demobilisanih branilaca dobitnika ratnih priznanja i odlikovanja, ratnih vojnih zarobljenika i demobiliziranih branitelja kao i lica zaslužnih u odbrambeno-oslobodilačkom ratu.

Jedna od od tačaka bila je i Informacija o stanju privrede i zapošljavanja na području općine Ilidža za 2017. godinu koju je Vijeće primilo k znanju. U informaciji su izneseni podaci o stanju privrede iz oblasti industrije, poljoprivrede, saobraćaja, turizma i zaposlenosti. Prema podacima za 2017.

godinu na području općine Ilidža registrovano je 4293 pravnih i fizičkih lica sa ukupno 17.398 zaposlenih i 10.952 nezaposlena lica, te 23.974 registrovana motorna vozila. Značajno mjesto na području općine Ilidža zauzimaju poljoprivreda sa 385 registrovanih gazdinstava, te 48 poljoprivrednih proizvođača i turizam sa 28 smještajnih objekata kapaciteta 2081 smještajnih jedinica sa 4810 raspoloživih kreveta. U prošloj godini Ilidžu je posjetilo 173.105 gostiju koji su ostvarili 320.148 noćenja što je najviše u Kantonu Sarajevo.

Vijeće je primilo k znanju Informaciju o radu Drugostepene stručne komisije Općinskog vijeća Ilidža za period od 1. april do 30.juna 2018. godine sa ocjenom stanja i prijedlogom mjera. Komisija je u izvještajnom periodu održala pet redovnih sjednica na kojima je razmatrala 20 predmeta, od kojih je 15 žalbi i pet tužbi. Komisija je u okviru propisima određenih nadležnosti poduzela propisane radnje, vodila aktivnosti u cilju rješavanja po žalbama, te u zakonom propisanim rokovima provela žalbene postupke i donijela odluke i riješila sve zaprimljene predmete.



Načelnik Memić boravio u Turskoj

Načelnik Općine Ilidže prof. dr. Senaid Memić boravio je u Turskoj i tom prilikom prisustvovao naučno-stručnoj konferenciji poljoprivrede i prehrambene tehnologije. Konferencija je održana u periodu od 26. do 28. septembra 2018. u Čeome u blizini Izmiru u Turskoj.

Poljoprivrednoprehrambeni fakultet Sarajevo je organizator ove konferencije zajedno sa Poljoprivrednim fakultetom Ege univerziteta u Izmiru. Konferenciji su prisustvovali i studenti i profesori Poljoprivrednog fakulteta Sarajevo.

Konferenciju su otvorili rektor univerziteta u Izmiru prof. dr. Necdet Budak, dekan Poljoprivrednog fakulteta u Izmiru prof. dr. Mustafa Bolca, dekan Poljoprivrednog fakulteta prof. dr. Muhamed Brka i načelnik Općine Ilidža u Sarajevu, prof. dr. Senaid Memić, koji je inače i profesor Poljoprivrednog fakulteta.

Na konferenciji je izloženo više od 30 usmenih izlaganja i 26 postera. Naredna, jubilara konferencija održat će se u Sarajevu, 2019. godine.

Sretno prvačići!

Početak školske godine za prvačiće u 12 ilidžanskih osnovnih škola obilježen je 4. septembra u KSC-Sabit Hadžić na Ilidži. Prijem je protekao u znaku dobrodošlice prvačićima, a obilježen je svečanim i prigodnim programom u prepunoj sali. U 12 osnovnih škola na području općine Ilidža u dva upisna roka u prvi razred upisano je ukupno 711 đaka. I ove godine, tim povodom, Općina Ilidža je darovala ruksake sa školskim priborom svim prvačićima. U programu za najmlađe učenike učestvovali su učenici Osnovne muzičke škole sa Ilidže, dječiji hor "Hrasnički pupoljci", te Kike koji je pobrao brojne simpatije ilidžanskih mališana. Za nabavku ruksaka Općina je izdvojila 40.000 KM. U povodu susreta sa školom i novim životnim poglavljem sreću je poželio tradicionalno načelnik Općine Ilidža prof. dr. Senaid Memić. Prvi čovjek općine je kazao da su druženja sa najmlađim prilika da se svjedoči njihovoj radosti i njegov najprijetniji zadatak.

„Vi ste naša budućnost i naš ponos i znamo da ćete biti odgovorni i dobri đaci. Mi ćemo se brinuti da imate dobre uslove, a vi dobre ocjene i da svako može prepoznati djecu s Ilidže. Kako stojite kad se svira himna pokazujete da volite svoju državu. Dignite glavu i budite ponosni, ako nešto ne



Denis Zvizdić u radnoj posjeti Općini Ilidža

Predsjedavajući Vijeća ministara BiH Denis Zvizdić, sa potencijalnim investitorima, a koji su zainteresirani za ulaganja u BiH, posebno u perspektivne lokalne zajednice, a što je i Općina Ilidža prema relevantnim pokazateljima, posjetili su 12. septembra 2018. godine našu općinu. Načelnik prof. dr. Senaid Memić upoznao ih je sa razvojnim projektima Općine Ilidža, mogućnostima i načinima ulaganja, te potencijalima naše lokalne zajednice.

Kako je rekao načelnik Memić, Općina Ilidža u narednom periodu planira značajne investicije a jedna od najznačajnijih je projekat Nova Ilidža.

Projekat nudi samoodrživost, uređene parkove, šetnice, raznolikost sadržaja, nove standard i kvalitete stanovanja, regionalne poslovne centre i luksuzne smještajne kapacitete. To će biti moderno naselje za 40 hiljada stanovnika koje će se prostirati na desnoj obali rijeke Željeznice od termalne Rivijere do entitetske linije u Vojkovićima. Za ova ulaganja je zainteresirano više investitora, a gosti koji su posjetili općinu su možda jedni od njih.

znate pitajte, budite hrabri i bit ćete najbolji“ dodao je je, između ostalog, načelnik Memić.

Pored prvačića, učiteljica, roditelja, nana i deda svečanosti su prisustvovali i ministar za obrazovanje, nauku i mlade Kantona Sarajevo Elvir Kazazaović i predsjedavajući Općinskog vijeća Ilidža Muhamed Omerović koji su u svojim obraćanjima prvačićima zaželjeli puno sreće u školovanju.

Sara Idrizović, prvačić, rekla nam je da je mnogo sretna što je krenula u školu, što će steći mnogo prijatelja, a ujedno da joj se sviđa ruksak koji je dobila od Općine.





Prezentacija radne verzije idejnog rješenja 11. osnovne škole

Stanovnici Mjesne zajednice Stup II, kroz svoje planske i programske aktivnosti kao prioritet broj jedan kandiduju izgradnju i osnivanje osnovne škole, kao jednu od osnovnih društvenih potreba na području ovog naselja. Potreba izgradnje objekta osnovnog obrazovanja, razmatrana je i prilikom same izrade detaljnog planskog dokumenta kojim je tretiran ovaj prostorni obuhvat, odnosno kroz izradu Regulacionog plana stambeno poslovne zone „Stup Nukleus“. Prema podacima Mjesne zajednice Stup II u ovom naselju, ali i naseljima koji gravitiraju ovoj mjesnoj zajednici (Stupsko brdo i Stup) trenutno je 465 učenika, uzrasta za osnovno obrazovanje, pohađa neku od osnovnih škola u Kantonu Sarajevo, koje u najvećem broju slučajeva lokacijski i saobraćajno ne zadovoljavaju potrebe djece osnovnoškolskog uzrasta (velika udaljenost, opasne raskrsnice i saobraćajnice...). U narednom periodu se očekuje i značajno veći broj učenika. Imajući u vidu činjenicu da se u ovom naselju gradi značajan broj stambenih objekata, a u planu je izgradnja i novih stambeno poslovnih objekata Općinsko vijeće Općine Ilidža i Zavod za planiranje razvoja Kantona Sarajevo, planirana je izgradnja objekta osnovne škole na navedenom lokalitetu u naselju Stup II, te su i pokrenuli hitne aktivnosti. Tim povodom je U Općini Ilidža 11. septembra 2018. godine održana prezentacija radne verzije idejnog koncepta arhitektonskog rješenja 11. osnovne škole na



Stupu. Škola će se graditi na parceli površine 7.100 m², objekat će biti površine 5.000 – 5.500 m², kapaciteta 576 učenika u jednoj smjeni, sa sportskom salom, sportskom plovom, dječijim igralištem, a prema RP „Stup Nukleus, na lokaciji Dobrinje ulice (preko puta objekta MZ i sportskog kompleksa).

Školu u Mjesnoj zajednici Stup II, kako je to Regulacionim planom „Stup Nukleus“ predviđeno bi mogla pohađati i djeca iz naselja koja gravitiraju poziciji planiranog školskog objekta, a kojima bi to zbog blizine i bezbjednosti odgovaralo, naravno uz prethodno provođenje zakonom propisane procedure u vezi sa saglasnošću Ministarstva za djecu sa drugih školskih područja. Arhitektonski fakultet Univerziteta u Sarajevu je angažiran za izradu idejnog rješenja osnovne škole. Prezentaciji je prustvovao pored načelnika Općine Ilidža prof. dr Senaida Memića sa saradnicima, predsjedavajući Općinskog vijeća Muhamed Omerović, vijećnici, predstavnici Savjeta MZ te ministar za obrazovanje, nauku i mlade KS Elvir Kazazović.



Uručeni ugovori za (su)finansiranje 32 projekata za mlade

I ove, kao i predhodnih godina Općina Ilidža dodijelila je sredstva za (su)finansiranje projekata za mlade iz budžeta Općine za 2018. godinu putem javnog poziva. Aplikantima koji su ispunili uslove javnog poziva, ugovori o dodjeli sredstava svečano su uručeni 18. septembra 2018. godine u prostorijama Općine, a ugovore im je uručio Denis Muhović, pomoćnik načelnika za obrazovanje, kulturu, sport i informisanje.

Na osnovu definisanih kriterija za dodjelu sredstava iz budžeta za mlade na javni poziv mogla su aplicirati omladinska udruženja, registrovana udruženja i fondacije koji rade za mlade, te neformalne grupe mladih uključujući i vijeća učenika srednjih škola. Projekti moraju biti namijenjeni mladima sa područja općine Ilidža, da aplikanti nisu ogranak bilo koje političke partije, da se realizuju do kraja tekuće godine, da se projekti odnose na kreativno izražavanje, neformalnu edukaciju, ekologiju, promoviranje volonterizma i timskog rada, podršku mladima sa posebnim potrebama i izgradnju i razvoj lokalne zajednice. Na prijedlog Komisije za odabir projekata za mlade općinski načelnik je donio odluku o finansiranju 32 projekata za čiju realizaciju je izdvojeno 42.000 KM.



Potvrđen certifikat ISO 9001: 2015

Općina Ilidža potvrdila je standard EN ISO 9001: 2015 (sistem upravljanja kvalitetom) i EN ISO 14 001:2015 (sistem okolinskog upravljanja).

Recertifikacija audita obavljena je u prostorijama Općine Ilidža 24. i 25. septembra 2018. godine, a radila ga je ovlaštena certifikacijska kuća TUV Adria d.o.o Sarajevo, u cilju potvrđivanja primjene normi navedenih standarda. Prilikom pregleda utvrđeno je da je Općina Ilidža uspješno provodi procedure i procese u radu organa uprave. Zaključeno je da Općina Ilidža i dalje ide u pravcu unaprijeđenja kvaliteta pružanja usluga građanima i ostalim subjektima. Certifikat je produžen za još tri godine.



Pronađena neeksplodirana granata

U ilidžanskom naselju Doglodi u ulici Unska prilikom izvođenja radova za elektro instalacije pronađena je zaostala neeksplodirana minobacačka granata 82 mm. Brzom intervencijom Civilne zaštite Ilidža i izvođača radova mina je uklonjena i time je otklonjena opasnost od moguće nesreće. Granatu su preuzeli pripadnici Federalne uprave civilne zaštite. Ovim putem upućuje se apel građanima i izvođačima da budu oprezni prilikom izvođenja radova i sve sumnjive stvari prijave Civilnoj zaštiti Općine Ilidže na telefon 061 183 728.



Obilježena 26. godišnjica akcije odbrane Otesa, Dogloda, Stupa, Azića i Bara

U organizaciji Udruženja organizatora otpora veterana rata, dobrovoljaca, prvoboraca i branilaca Zelene beretke, Prve samostalne brigade i Općine Ilidža 14. septembra 2018. je obilježena 26. godišnjica akcije odbrane Otesa, Dogloda, Stupa, Azića i Bara. Tim povodom ispred mjesne zajednice Stup položeno je cvijeće na spomen-obilježje i odata počast poginulim borcima ovih naselja.

“Ovo je bio interesantan prostor jer je agresoru bio najpovoljniji za ulaz u Sarajevo. Ovdje su vođene bitke za odbranu ovog dijela Ilidže. Naši borci tu su pružili značajan otpor, poslije čega su se agresorske snage, odstupile, tako da je u oktobru 1992. godine praktično okončana ofanziva agresora, s ciljem izlaska na Stupsku petlju” izjavio je Edin Džaferbegović, v.d. predsjednika Predsjedništva općinskog Udruženja Zelene beretke, te dodao da je na ovim ilidžanskim prostorima djelovala 102. motorizovana brigada, ali i specijalne jedinice MUP-a.

Komandant 102. motorizovane brigade general Hajrudin Grabovica je prisjetio prisutne tih teških, ali i herojskih ratnih dana kada se vodila jedna od najtežih bitaka za odbranu ovih, izuzetno strateški važnih prostora, rekavši da nikad ne trebaju se zaboraviti zasluge 52 borca koji su položili živote. Zahvalnice su uručene ministru za boračka pitanja Kantona Sarajevo Muharemu Fiši i načelniku Općine Ilidža prof. dr. Senaidu Memiću, za pomoć u realizaciji obilježavanja značajnih događaja koje organizuju “Zelene beretke”.

U prvom polugodištu za besplatne užine 20.000 KM

U okviru stalne brige za djecu iz porodica slabijeg imovinskog stanja Općina Ilidža i u prvom polugodištu školske 2018/2019. godini finansira nabavku dačkih užina za djecu iz porodica koje su u stanju socijalne potrebe. Kao i prethodnih godina, besplatne dačke užine imat će djeca u 11 osnovnih škola. Za tu namjenu u općinskom budžetu izdvojeno je 20.000 maraka.

Prvoj osnovnoj školi bit će uplaćeno 2.317,86 KM, Drugoj 2.109,22 KM, Trećoj 1.916,88 KM Četvrtoj osnovnoj školi 1.369,28 KM, Petoj 2.210,28KM, Šestoj 1.753,88 KM, Sedmoj 2.024,46KM, Osmoj osnovnoj školi “ Amer Čenanović” 1.616,96KM, Devetoj 1.411,58, Desetoj 1.907,00KM i Kataloličkog školskog centra “Sveti Josip” 1.362,60KM.

U prethodnoj školskoj godini finansirane su užine za 300 učenika.



Održano Prvenstvo Kantona Sarajevo u brzopoteznom u šahu

U organizaciji šahovskog kluba „Igman“, 23. septembra 2018. godine u prostorijama šahovskog kluba „Bosna“ Sarajevo Prvenstvo Kantona Sarajevo u brzopoteznom šahu. Na turniru je učestvovalo 15 igrača koji su igrali po Bergerovom sistemu svako sa svakim 5 minuta po igraču, a odigrano je 14 kola. Prvo mjesto osvojio je Ismet Burović, drugo Amir Hadžović, treće Sead Rašidović, četvrto Vahidin Omanović, peto Nermin Đulić, šesto Husein Čolpa i sedmo mjesto Željko Galić. Pobjednicima su uručene prigodne nagrade. Sudija turnira bio je Mirza Miralem.



Obilježena Nedjelja borbe protiv tuberkuloze

U Nedjelji borbe protiv tuberkuloze Crveni križ Ilidža je sproveo tradicionalne aktivnosti. Za sedam osoba koje su registrirane kao oboljele od tuberkuloze su uručeni paketi hrane i higijene u suradnji sa Pneumoftiziološkim odjelom Doma zdravlja Ilidža. U Šestoj osnovnoj školi te u Osmoj osnovnoj školi „Amer Čenanović“ su održana predavanja o temi borbe protiv tuberkuloze. U školama naše općine distribuirane su markice štampane povodom ove sedmice, gdje su učenici i uposlenici škola imali priliku dati dobrovoljan prilog u zamjenu za markicu. U Međunarodnoj srednjoj školi bio je postavljen promotivni pult na kojem su naši volonteri dijelili edukativni materijal i prigodne markice, te anketirali zainteresovane o poznavanju ove bolesti, njenim simptomima i načinima zaraze. Na području općine Ilidža vršeno je plakatiranje i distribucija propagandnog materijala na temu edukacije o ovoj bolesti. Na Ilidži je 21. septembra održano finale manifestacije Žogarija za region Alpe-Jadran-Dunav. Žogarija je manifestacija pod pokroviteljstvom Ambasade Republike Slovenije i okuplja veliki broj djece iz regiona kroz druženje, sport, zabavu i edukaciju. Ove godine se održala u Prvoj osnovnoj školi, a Crveni križ općine Ilidža je uzео učešće po pozivu Ambasade Republike Slovenije.

Volonteri CK Ilidža su se družili sa najmlađima na ovogodišnjoj Žogariji i imali priliku pokazati im osnove prve pomoći i predstaviti Crveni križ.

Započelo deminiranje Vela

Udruženje Centar za obuku pasa za otkrivanje mina u BiH započeo je sa radovima deminiranja na području Vela (projekat MSP Vela, ID 57) u MZ Rakovica.

Deminirat će se 830.000 kvadratna metara. Općina Ilidža je iz budžeta izdvojila 300.000 KM, a 20 deminera je terenu.



Produžen rok za podnošenje prijava za dodjelu plastenika

U sklopu realizacije Projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ - Općine Ilidža u 2018.g., produžava se rok za podnošenja zahtjeva za dodjelu plastenika do 05.10.2018. godine.



Armin Šetić promovirao novu knjigu

Armin Šetić je petnaestogodišnjak koji pohađa drugi razred Četvrte gimnazije Ilidža. Kako nam je rekao od malena je uživao u čitanju, gledanju i slušanju o nekim davnim vremenima, te se iz toga rodila ljubav prema historiji. Armin je napisao knjigu Gazija koja kazuje o ženskom sultanatu, vremenu kada su žene, majke i sestre sultana bitno utjecale na politiku velike države. Armin je knjigu u naletu inspiracije napisao za samo dva mjeseca, a za izdavanje knjige ohrabrila ga je porodica. Promocija knjige Gazija Armina Šetića održana je 20. septembra u Četvrtoj gimnaziji Ilidža.

